

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U TUZLI
Broj: 32 0 St 397010 21 St
Tuzla, 06.12.2021. godine

Općinski sud u Tuzli, sudija Ilvana Delić, kao stečajni sudija, u stečajnom postupku nad imovinom dužnika „**RAJTO KOMERC**“ d.o.o. Gračanica u stečaju, export-import, ul. Lukavica bb dana 06.12.2021. godine, d o n o s i

R J E Š E N J E

ZAKLJUČUJE SE stečajni postupak nad imovinom dužnika „**RAJTO KOMERC**“ d.o.o. Gračanica u stečaju, export-import, ul. Lukavica bb, matični registarski broj subjekta; 1-14093 zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljen u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavlja FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

„**RAJTO KOMERC**“ d.o.o. Gračanica u stečaju, export-import, ul. Lukavica bb, dana 04.03.2021. godine podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, temeljem odredbe člana 6. Zakona o stečaju („Sl. novine F BiH“ br.29/03., 32/04., 42/06 i 52/18).

Rješenjem suda od 02.08.2021. godine otvoren je stečajni postupak nad imovinom dužnika „**RAJTO KOMERC**“ d.o.o. Gračanica u stečaju, export-import, ul. Lukavica bb, a za stečajnog upravnika imenovan je Emir Mehurić iz Gračanice.

Na izvještajnom ročištu održanom dana 30.09.2021. godine stečajni upravnik je obrazložio izvještaj o ekonomskom stanju dužnika te je utvrđeno da su ukupno priznate obaveze stečajnog dužnika u iznosu od 126.173,32 KM i to povjeriocu Porezna uprava F BiH KPU Tuzla iznos od 114.788,64 KM, Porezna uprava F BiH KPU Tuzla Porezna ispostava Gračanica iznos od 401,28 KM i FZ MIO PIO Mostar KAS Tuzla iznos od 10.983,40 KM. Nadalje je utvrđeno da društvo nema imovine iz čije bi se prodaje očekivalo namirenje povjerilaca.

U svom izvještaju kao i na ispitnom ročištu stečajni upravnik predložio je zaključenje stečajnog postupka zbog nedostatka stečajne mase u skladu sa članom 196. Zakona o stečaju (Sl. novine F BiH broj 53/21), a imajući u vidu da društvo nema imovine kao i činjenicu da iz knjigovodstvene evidencije ne proizilaze druga dugovanja te se ne očekuje priliv novih prijava

potraživanja. Skupština je na izvještajnom ročištu usvojila prijedlog stečajnog upravnika o provođenju aktivnosti za zaključenje stečajnog postupka zbog nedostatka stečajne mase.

Temeljem odredbe čl. 102. točka 7. u vezi sa članom 196. Zakona o stečaju sud je dana 19.10.2021. godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 5.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 88/21 dana 03.11.2021. godine, a na oglasnoj ploči dana 20.10.2021. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA

Ilvana Delić

POUKA O PRAVNOM LIJEKU!

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.